

▲命令▼

大元帥令

大元帥令

任命李述膺甄元熙為大元帥府參議此令

大元帥印

中華民國七年二月六日

大元帥令

任命沈靖為大元帥府參軍此令

大元帥印

中華民國七年二月六日

大元帥令

任命鄒善辛為大元帥府秘書此令

大元帥印

中華民國七年二月六日

大元帥令

特任戴傳賢代理大元帥府秘書長此令

大元帥印

中華民國七年二月八日

大元帥令

任命張我華張兆辰爲大元帥府參議此令

大元帥印

中華民國七年二月十二日

大元帥令

任命彭素民爲大元帥府秘書此令

大元帥印

中華民國七年二月十二日

補錄七年二月一日大元帥令

大元帥令

任命陳其權爲廣州地方審判廳廳長此令

大元帥印

中華民國七年二月一日

大元帥批令

第二十號

令警衛軍統領胡漢卿等請卹隆世儲農有興呈

呈悉此次龍逆犯順勢甚猖獗高雷鎮守使隆世儲及統領農有興奮勇當先效死抵禦卒以衆寡不敵彈盡援絕先後陣亡隆故使治兵粵東二十餘年迭次革命威著勳勤農故統領亦在軍中有年忠勇素著此次力抗勦敵同死國事當戎馬倉皇之時失此良將殊深惜悼所請照例給卹各等情已交陸軍部存記俟大局稍定再行彙案辦理可也此令

# 函電

電

## 軍政府援鄂軍總司令蔡濟民等致大元帥電

孫大元帥鈞鑒我軍於本年一月一日進據施南利川咸豐來鳳等縣一俟施鶴各屬完全收復即整率東下會師武漢總期掃清叛逆恢復約法堅持到底永奠共和濟民等不敏願執鞭策以隨其後並希不時指示機宜爲禱軍政府援鄂軍總司令蔡濟民副司令牟鴻勳參贊兼秘書長張祝南參謀長陳家瑞參謀劉惠欽第一支隊長孫錫光利川知事兼總兵官胡恩溥叩江

## 湖南省議會致大元帥電

孫中山先生鑒段祺瑞違法專政恃武力壓制西南傅良佐等甘心爲虎作倀吾湘志士憤興義師桂粵聯軍同聲致討乃彼猶不自悔悟悉率進攻浹旬之間北方軍隊備集吾湘者將達十萬其始至也農工悉被擄充挑夫卽商人文士亦多勒令轉輸暴命橫施傷亡過半其駐紮各縣也則婦女之遁於山間者亦搜索而盡其奸淫凡民之逃於荒野者亦盡迫而奪其財物其遷徙不及慘遭淫殺者更無論矣及其戰敗而將遁也則更縱火搶劫或先劫後焚到處糜市爲墟衡山岳陽受禍尤烈蓋其將領之統率有方不爲民害者百不一二以此北軍殘酷情狀迭經各處人民陳懇又經本會議員調查確係實情思之墮淚本會忝爲全省代表所有民間疾苦除據情實報外理應據實宣言謹電告哀希維垂鑒湖南省議會叩印

### 湖北靖國軍第一軍總司令唐克明致大元帥電

萬急廣州孫大元帥鈞鑒頃奉東電獎勉有加感激無任職軍前經敗挫人人憤慨臥薪嘗膽志切復仇前日敵兵逼近將士爭先抵抗奮勇異常當夜血戰始終不衰現與敵軍對峙一俟援軍齊到即當前進猛攻承示北虜三路進兵之計克明早已聞知望我公及陸譚諸公善爲規畫破此奸謀并乞時示方畧以便遵行爲荷唐克明叩印

### 方軍長馨濤祝張陸軍總長就職電

八旗會館張軍長暨魚電敬悉我公就軍政府陸軍總長之職擁護共和乘時展布迷聽之下不勝歡悅謹電申賀方馨濤叩陽印

### 李旅長天保等祝張陸軍總長就職電

陸軍總長張鈞鑒奉魚電欣就任陸軍總長從茲伊呂集聚張皇六師憑乘風雲底定民國不勝鼓舞懼怖之至謹電奉賀旅長李天保戴永萃參謀長張惟聖團長李鳳岐周永祚王樹藩楊其禮統領蔡炳寰張錕湖營長魯子材劉明義孫開運胡國秀嚴銳艾立埤楊青圃劉興漢楊爲樸于鈺靈李青龍王思明王德富隊長孫智董權璠暨全體官佐士兵同叩陽印

函

# 財政部致廣州地方審判廳函

逕啟者閱二月五日各報載

貴廳佈告內開本廳各款昨准軍政府財政部商借業已全數撥交所有各當事人應領之款現在本廳無款可發應俟軍政府還銀到日再行撥發此佈等語查

貴廳所繳軍政府款內其有屬當事人應領之款且曾經由

貴廳傳飭到領者應先行發還以免當事人等係指責除將應領款項發還外應請

貴廳立行佈告期日使已被傳到領之當事者依期前赴

貴廳具領可也此致

廣州地方審判廳廳長

二月六日

▲公文▼

廣州地方審判廳廳長陳其權就職呈

呈為呈報任事日期請察核備案事本月一日奉

大元帥任命狀內開任命陳其權為廣州地方審判廳廳長等因奉此其權遵於即日就職視事理合備

文呈報

鈞長察核備案謹呈

軍政府內政部總長次長

廣州地方審判廳廳長陳其權謹呈



▲啟事▼

軍政府財政部啟事

籌餉委員軍事委員均鑒逕啟者日前由執事領去內國公債收條曾經聲明應每月將售出之存根及欸項寄回其未售出者亦應列明號數寄回報告本部以憑整理茲查領去經已數月迄未奉到前項報告亟應催促請即趕緊查照前議將已售出之存根及欸項未售之存票號數從速交來并限於二月十一號止如尚未接到尊處前項佈告及交來欸項本部定即將領去之票宣佈取銷以清手續仍一面查明已售去票數共得欸若干按照追取而示限制務祈照辦實緝公誼此佈

中華民國七年二月十一日

軍政府內政部啟事

啟者本部第四十七號徽章頃在路上遺失無論何人拾取均作無效特此通佈

中華民國七年二月十一日

內政部總務廳啟

▲更正▼

本報第四十五號載任命陳祖烈爲大元帥府參議誤陸爲陳合行更正

▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(二)

啟者本公報現既出版至第十一號以本號爲止仍照前贈送自第十二號起除各行政公署及各公共團體仍繼續送閱一份外其餘各個人恕不贈送愛讀諸公請致函本公報發行處定購可也此佈  
中華民國六年十月四日  
軍政府公報處啟

○大元帥府參軍處啟事

啟者大元帥府之電話號數如左

秘書處二二零零

參軍處副官室庶務科二零四四

衛隊室二零六九

大元帥府參軍處啟